

Ertzaintzaren operazioa Bilbon

Ertzaintzak burututako «segada» argitzeko eskatu dio HBk Ardanzari

«Begoña eta Morlenaseko gertakizunen artean parekotasun argia dago»

Ertzaintzak joan den ostegun gauean Etxebarriako Parkean burutu zuen «segada» argitu dezala eskatu dio Herri Batasunak Jose Antonio Ardanza EAEko lehendakariari, baita «ETAko militanteak zuzenean hiltzeko agindua nork eman duen» ere.


G.A. / BILBO

Zenbait alderdi politiko eta agintaririk, «eta bereziki Ardanza jaunak» ekintza hauetan «erantzukizun zuzena dutela esan zuen Tasio Erkizia HBko kideak, Mahai Nazionalako kideek atzo Bilbon eskaini zuten prentsaurrekoan.

Ildo honetatik, Euskal Herri guztian aurrean ostegun gauean Begoñan gertatutakoak argitu ditzala eskatu zion Erkiziaz Ardanzari: «ETAko militantei heriotz zigorra ezartzeko agindua Ertzaintzari berak eman dion edo nondik datozen agindu horiek argitu ditzala eskatzen diogu Ardanzari. Berak eta bere Gobernuak jakin behar dute beren jarrekarak ondorio larriak dituela gure herriarentzat».

Ertzaintzaren jokaera salatu eta Eusko Jaurlaritzari «erantzukizunak» eskatzeko asmoz, datorren asteartean, irailak 3an, Herri Batasunak kontzentrazio bat egingo du Aju-ria Enean.

Eusko Jaurlaritzak Ertzaintzari eskainitako «babes politikoa» salatu zuen baita ere Idigorasek eta zentzu honetan, «arduragabekerizat» jo zituen Arregik egindako deklarazioak. «Gobernuak txalotu eta oso positibotzat eman zuen lokian tiro batez hila izan zen Ormazabalen ekintza. Hitz hauetatik, atera behar dugun ondorioa da, erabilitako metodologiaren bat datozela, eta baita Gobernuak



Jon Idigoras eta Tasio Erkizia atzoko prentsaurrekoan.

SIMA

✓ «Erresponsabilitateak» eskatzeko asmoz datorren asteartean, irailak 3an, Herri Batasunak kontzentrazio bat egingo du Aju-ria Enean.

bat datorrela Ertzaintzak Polizia Nazionalari eta Goardia Zibilari kopia-tutako metodoekin».

Juan M^a Ormazabal 'Turko' «errematua» izan zela ziurtatu zuen Idigorasek, zenbait lekukoen adierazpenak eta forensearen txostena aipatuz eta zentzu honetan, bertsio ofizialak «ez duela pisurik» azpimarratu zuen.

«DONOSTIAREKIN PAREKOTASUN ARGIA» Orain dela bi aste, Donostiako Morlanseko auzoan «izandako hilketan» eta Etxebarriako parkean «jarritako segadan» erabilitako metodologiari

dagokionez, «parekotasun» argia dagoela adierazi zuen Idigorasek.

Ildo honetatik, kezkatzekoa zela esan zuen eta, «Ertzaintzaren barruan infiltraturik dauden Goardia Zibil eta Polizia Nazionalako kideak beren metodoak inposatzea. Espainiako Barne Ministeritza aspaldidanik nahi ditu zaurituak ez ezik hildakoak ere bai».

Erkizia errepresioaz aritu zen: «Begoñako segadan eta uda honetan gertatu diren beste batzuk, gargi uzten dute errepresioaren eromena larritasun handiko mugetara heldu eta errepresio bidean pausu kualitativoak ematen ari direla».

Herri Batasunak euskal polizi zibil «erabat ezberdina» defendatzen duela, azpimarratu zuen Erkiziak. «Polizi zibila eta herriaren zerbitzuan egongo dena eta ez herriaren etsai edo kontra egongo dena. Herriaren interesak babesten dituen eta ez Madrilakoak, ez euskal erakunde menpe dagoena eta ez Polizia Nazionalaren txotxongiloa dena».

Senideen abokatuek azaldutakoa «gezurra» dela dio Barne Sailak

DONOSTIA

«Espekulazioa» da Gasteizko Jaurlaritzako Barne Sailaren ustez, mediku forensearen datuetan oinarrituta, Juan Mari Ormazabalen sendiaren abokatuek emandako bertsioa. Ormazabal «errematua» egin zuela ertzain batek diote familiakoek, eta buruan duen tiroak azaltzen duela hori. Gezurtapena herenegun gauean egin zuen Barne Sailak, Efe agentziak jaso zuenez.

«Gezurra da segada jarri zitzaienik eta Juan Mari Ormazabal errematatu egin zutenik» adierazi dute Eusko Jaurlaritzatik eta analisiek abokatuek esandakoaren kontrakoa azalduko dutela uste dute. «Ormazabal izan bait zen

zauritutako ertzaina errematatu nahi izan zuena» gehitu dute.

Bertsio ofizialaren kontrako datuak emanez, «jendea gezurra- ren bidez mobilizatzeko tentsio giroa baino ez da sortu nahi» Barne Sailaren ustez.

Abokatuek, bestalde, berretsi egin dute Ormazabalen gorpuak tiro bat zuela, eta forensearen azalpenak jaso zituztenean berai-ek ere ikusi zutela.

Bilboko Etxebarria parkean izan ziren gertaerengatik dilen- gentziak ireki zituen goardiako epaitegiak eta diligenzia horien barruan Juan Maria Ormazabalen gorpua aztertu zuen forenseak be- re txosten idatzia astelehenean aurkeztuko du seguruenik epai- learen aurrean.



LORA eskaintza egin zen atzo eguerdian Juan Mari Ormazabal 'Turko' hilda erori zen tokian Etxebarriako errotondan, J. SIMAren argazkian ikus daitekeen bezala. Bertso saio batek eman zion hasiera omenaldiari, ondoren Joselu Cereceda LAB sindikatuko idazkariak hitza hartu zuen. Cerecedak, «Euskal Herriaren independentzia eta askatasunaren alde beren odola eman duten militanteak» omendu zituen eta Monzonen hitzak gogorarazi zituen «ekintza politiko bat baloratzeke nor pozten den ikusi behar da». Azkenik, «EAJk abertzale euskaldunen odolarekin eskuak zikinduta dituela» azpimarratu zuen Cerecedak.



EUSKAL HERRIKO UNIBERTSITATEA

IRAILEKO DEIALDIA

UNIBERTSITATERA SARTZEKO HAUTAPROBEN MATRIKULA

Aurtengo 1990 / 91 akademi ikasturtean UBI / IEE burutu ez arren, azterketa egin nahi duten ikasle guztiek Hautaprobek matrikula, irailaren 6an, bulego-orduetan, ondoko tokiotatik egin beharko dute:

ARABAKO IKASLEAK
ARABAKO ERREKTORORDETZA
Manuel Iradier kalea, 6. GASTEIZ

BIZKAIKO IKASLEAK
IKASLEEN ATALA-SARBIDERAKO NEGOZIALEKUA
Ikasgelategiaren Eraikina, Beheko solairua
LEIOA

GIPUZKOAKO IKASLEAK
GIPUZKOAKO ERREKTORORDETZA
Urbietako kalea, 30. DONOSTIA

Leioan, 1991ko abuztuaren 28an
AKADEMI ANTOLAKUNTZARAKO ERREKTORORDEA
FRANCISCO ALDECOA LUZARRAGA



UNIVERSIDAD PUBLICA DE NAVARRA

NAFARROAKO UNIBERTSITATE PUBLIKOA

1991 UDAKO IKASTAROAK

BERTIZ

Informazio Teknologia Hirigintza eta Katastru kudeaketan* (Irailaren 3tik 6ra bitartean)
Ingurune-inpaktu ereduen karakterizazioa* (Irailaren 4etik 6ra bitartean)
Ingurunearen babes juridikoa (Irailaren 10etik 12 bitartean)
Gas naturala eta beraren industri eta etxe-erabilgarritasunak (Irailaren 10etik 12ra bitartean)

IRUÑEA

Nekazal-elikaduraren Marketinga (Irailaren 23tik 26ra bitartean)
Ekonomia eta giza-zientzien eredu matematikoa ((Irailaren 24tik 26ra bitartean)
Hipertestua eta sistema multimedialak* (Irailaren 24tik 26ra bitartean)
Marketinga enpresaren estrategia orokor bezala (Irailaren 24tik 26ra bitartean)

TUTERA

Gaurko joera histografikoak (Irailaren)
Gizarte industrial aurreratua: ekintza kolektiboa eta gizarte aldaketa (Irailaren)
Nekazal-elikadura emarien komertzialpena (Irailaren)

AKADEMI-TASAK:

Praktika informatikorik gabeko ikastaroa: 10.000 pta.
* Praktika informatikoa dituen ikastaroa: 20.000 pta.

ARGIBIDEAK: Nafarroako Unibertsitate Publikoa
Ejerzitoaren etorbidea, 2-10.
31002 IRUÑEA
Tfna.: 948 / 21 02 37 (Karmina And.)

UNED-Iruñea. Tuterako luzp.
Donibane plaza, 1
31500 TUTERA
Tfna.: 948 / 82 15 35 (Ana And.)